

# #RSABUDGET2024

Kgatiso-tlhakanelo magareng ga lefapha la matlotlo le lefapha la lekgetho la Afrika Borwa

#RSA Budget

#RSABudget2024



TSHEDIMOSETSO

TEKANYETSO-KABO KE ENG?

TEKANYETSO-KABO E RULAGANNGWA JANG?

Ngwaga mongwe le mongwe ka Tlhakole, Letona la Matlotlo le rebola Tekanyetsokabo ya setšhaba mo a itsiseng lenaneo la puso la go dirisa madi, lekgetho le kadimo ya madi mo dingwangeng tse tharo tse di latelang. Tekanyetsokabo e kgaoganya tiriso ya madi a puso magareng ga mafapha a bosetšhaba, diporofinsi le dipusoselegae.

1. Ditaelo di romelwa go mafapha mabapi le tshedimosetso e e tshokegang ya tekanyetsokabo
2. Mafapha a beela pele mananeo a a botlhokwa, maano a a supang tiriso ya madi le maikemisetso a go tseletsapele ditirelo tsa setšhaba
3. Megopolo ya tekanyetsokabo e romelwa kwa lefapheng la matlotlo gore e sekasekiwe ka kelotlhoko
4. Komiti ya batsamaisa-bagolwane e atlhaatlha dikabo tsa tekanyetsokabo ka keletlhoko
5. Dikakanyo tsa tekanyetsokabo di dirwa kwa komiting ya Matona
6. Pholisi ya Tekanyetsokabo ya Paka e e Bogareng (MTBPS) ke sesupo sa tekanyetsokabo e e tla solofelwang
7. Tshwetso ya dikabo e dirwa kwa kobotlong
8. Dikwalo tsa tekanyetsokabo di a baakangwa
9. Tekanyetsokabo ya naga e ya itsisiwe
10. Palamente e athaatha le go amogela tekanyetsokabo
11. Kwa bofelong tekanyetsokabo e romelwa go Mopresidente go e baya monwana gore e nne mo molaong



MR. ENOCH GODONGWANA  
LETONA LA MATLOTLO

## GO LEKANTSHA MAEMO A MATLOTLO A PUSO LE DITLHOKEGO TSA LOAGO

**Maemo a tiragatso a ikonomi a Aforika Borwa a ntse a le bokoa, mme ditshwetso tse di masisi di tlhokega go tsewa go netefatsa gore ikonomi e a gola le go tlhola ditiro. Tiragatso le boikarabelo jo bo tiileng le tsona di a tlhokega go ka laola sekoloto sa mmuso le tšhelete e tshelang ya puso, seo e leng segala magareng ga seo puso e se duelang le seo puso e se kokoanyang ka lekgetho.**

Ikonomi e lekanyetswa go ka bo e godile ka diporosente fela di le 0,6 ka tshwanelo mo ngwageng wa 2023. Tekanyetsokabo ya 2024 e supa boitlamo jwa puso ka go tlhatlosa kgolo ya ikonomi ka kabo e e tokafatseng ya motlakase le go tsamaiswang ga dithoto tse dintsi go go ikanyegwang, le go aga mafaratlhatlha, jaaka diphaephe tsa metsi, dikolo le ditsela. Dikgang tse di monate ke gore ikonomi ya lefatshe e tshwanetse go tshetsa se, ka ntlha ya kwelotlase ya theko

ya dilwana le phokotsego ya kelothekego lefatshe ka bophara. Ka jalo, ikonomi ya Aforika Borwa e solofetswe go gola ka magareng ga diporesente di le 1,6 mo dingwangeng tse tharo tse di tlang.

Tshwetso e e tserweng ya go lekanyetswa matlotlo e tla rotloetsa kgolo ya ikonomi le go tshetsa ditokololo tsotlhe tsa baagi ba ba tshelang ka fa tlase ga maemo a tlhobaetsang, fa gape se, se fokotsa sekoloto le go theosa maemo a masisi a tsa matlotlo le a sa itumediseng a ikonomi. Puso e tlaola maano a go beeletsa e le a botlhokwa thata ka go oketsa tisanommogo magareng ga lephata la poraefete, le le tsenyeletsang go tshagisa matshosetsi a kwa Godimo le sekoloto sa puso se se tseletseng go gola, mme se, se kokoafatsa thebolelo ya ditirelo tsa baagi le peeletso ya dikgwebo ka go fetola seemo sa didiriswa tsa baduelalekgetho go tloga mo ditirelong tse di botlhokwa tsa puso, mme se, se thuse mo go duelang sekoloto. Go tloga ka 2008/09 tlhwatlhwa e e duetseng go fokotsa ditshenyegelo tse di amanang le sekoloto e e oketsegile go tswa go dibilione tse R54.4 kgotsa

diporesente di le 7,9 tsa palogotlhe ya lotseno go yago go dibilione tse R356.1 kgotsa diporesente di le 18.5 tsa lotseno la 2023/24. Ditshenyegelo tse di amanang le go duelela sekoloto le tsona di a oketsa ka lebelo le le kgolo go feta kgolo ya ikonomi, se se supang gore ikonomi ga e kitla e gola ka bonako go tsewelela go duelela morokotso wa sekoloto sa puso. Pholisi ya tsa matlotlo ga nnye ga nnye e tla tsewelela go tliša mot lase ga taolo karolo ya tekanyetsokabo e dirisitsweng go duela ditshenyegelo tse di amanang le sekoloto.

Ke ka ntlha ya mabaka a, gore mo dingwangeng tse tharo tse di tlang, puso e tla dirisa ka kelotlhoko tšhelete e duelelang ka yona, mme mo mabakeng mangwe, e fokotse ditshenyegelo tsa tšhelete ya puso. Magareng ga 2024/25 le 2026/27, puso e tla duela ditirilione tsa R7.4 mme se e tla nna fela go kgona go thusa ka kabo e kgolo ya ditirelo tsa thebolelo tsa baagi jaaka tsa pholo, tsa thuto, go lwantsa bosenyi le tshireletso ya sesole sa bosetšhaba. Bokana ka diporosente

di le 60 kgotsa ditirilione di le R3.7 ya se, e tla diriswa go duelela ditirelokabo tsa loago, se gape, se tla kgonang go duelela megolo ya barutabana, ya baoki, le ya dingaka, mme e tla duelela gape le dikabo tsa loago tsa mphiwafela. Tuelo ya tšhelete e, e tla kgona gape go fokotsa tshalelomorago e e amanang le tsa thuto le ya tsa boitekanelo le gape le peeletso ya diporojeke tsa di ditšhelete tse di bopang motheo o o tiileng wa kgolo ya ikonomi. Kabothebolelo ya go fokotsa maemo a tsa loago a tlhobaetsang a Khobiti-19 le ona a tsenyeleditswe mo Tekanyetsokabong ya 2024.

Le fa go ntse jalo, go tiisa tekanyetsokabo go kaya gore sekoloto le ditshenyegelo tse amanang le sekoloto di tla emisa go gola mo 2025/26 mme di simolole go wela tlase, seo se golole bontsi ba didiriswa tsa ditirelokabo tsa setšhaba mo isagong mme se dire gore go nne bonolo mo go dikgwebo le batho go kgona go iponela didiriswa tsa matlotlo mo dipeeletsong tsa bona.



## TSOSOLOSO YA IKONOMI KA GO TLISA DIPHETOGO TSA SEBOPEGO

**Kgwetlho e kgolo e sitisang ikonomi go elela bonolo ka tlhamalalo, ke kgaogo ya kabelo ya motlakase, go nna bonya le kabelo ya kwa boemakepeng le tirelo ya ditimela, le bokoa jwa Kabelo ya ditirelo tsa bosetšhaba. Puso e ntse e tsweletse ka go mekamekana le tharabololo ya bothata jo.**

Tshwaraganelo e bidiwang Operation Vulindlela e ntse e tsweletse go tsenngwa tirisong mo dingwageng di le dintsiyana mme e tlisa diphetogo mo kgolong ya moruo. Intasetiri ya kabo ya motlakase e tsweletse go ka tlhabololwa, mme se se dira gore go nne bonolo le go nna thekotlase go dikhamphani tsa poraefete le baagi go fetlha motlase wa bona ka go dirisa mekgwa e e farologaneng ya go iponela motlakase, se se tsenyeletsa motlakase wa marang a letsatsi le ditešene tsa poraefete tsa go fetlha motlakase. Mo dingwageng tse tharo tse di tlang,

porojeke ya seemo se segolo se se neelanang ka maatla a motlakase a bokana ka 6 000 MW, e jang bokana ka dibilione di le R100, e solofetswe go tsenngwa tirisong. Go tlaletsa se, puso e duelela karolo e kgolo ya sekoloto sa Eskom, se se letla thuso ya go tswa mo sekolotong ga Eskom, mme se e kgontsha go ka lepalepana le go rarabolola mathata a yona a phetlho ya motlakase le go kgona go tshola mela e e tsamaisang maatla a motlakase go nna mo boemong jwa tiriso e kgotsofatsang, mebasepala e ka dira kopo ya phimolo ya sekoloto go Eskom mo e lebeletseng go una molemo wa go kgona go tlisa mekgwa e tlhabolotsweng ya go duedisa badirisi ba motlakase le ditshenyegelo tsa tiriso ya motlakase. Se se tsenyeletsa thekiso ya dithoto tse e seng pinagare ya kgwebo, go bopa tirisanommogo le dikhamphani tsa selegae le tsa boditšhabatšhaba go tsamaiso dikarolo dingwe tsa boemelakepe le go siamisa mela ya diporo le ditimela.

Kgwetlho e e tlišiwa go neelo ya ditirelo e koafetseng e e itemogelwang ke lefelo la kamogelo ya dithoto kwa boemakepe le tiriso ya tsamaiso ya dithoto ka ditimela, e tlhoka mekgwatebo e e maphata mantsi. Komiti ya Tharabololo ya Tlhakatlhakano mo Tsamaisang ya Dithoto ka Dipalangwa, e e eteletsweng pele ke Moporesitente, e tlhamilwe go mekamekana le dikgwetlho tse di farafarileng Trasnet, e e laolang tsamaiso ya boemakepe le mafaratlhatlha a ditimela. Mo pakeng ya 2023/24, setlhopha sa botsamaisi ba Trasnet bo ne ba fetolwa mme setheo sa atlanegisa loano lo lo ntšhwa la go tokafatsa maemo a tsamaiso ya ditšhelete le mekgwa tsamaiso ya dikuno.

Kwa bokhutlong, puso e tla dira matsapa go tlisa boporofeshenale mo tsamaisong ya ditheo tsa puso le go tokafatsa pusotsamaiso mo dikhamphaning tsa puso. Se, se se tshwanetse go tlisa maemo a tsepameng le boemo jo bo kgogelang dipeeletso.

## DINTLHAKGOLO TSA TEKANYETSOKABO YA 2024

1. Megolo ya bodirelaloago ke karolo ya diporosente di le 60.2 tsa ditefelo tsa morokotso o o sa ungwelweng, e e akaretsang tlhabololo ya baagi, maanane a botlholatiro, tsa pholo, tsa thuto le tshireletso ya tsa loago.
2. Go bapiswa MTPS ya 2023, go tlaleditswe dibilione di le R57.6 mo dingwageng tse tharo tse di tlang go duela megolo ya barutabana, baaki, dingaka, mapodisi le megolo mo ditirelong tse dingwe tse di botlhokwa.
3. Puso e tla oketsa ka lobelo tiriso ya mafaratlhatlha a bosetšhaba ka go tlisa bokgoni le thuso tsa ditšhelete go tswa mo lephateng la poraefete.
4. Go simolola ka 1 Phatwe 2024, diphetogo tse dintšhwa tsa diphenshene, di tla kgontshang go kgona go bona bontlhabongwe ba ditšhelete tsa dipolokelo tsa diphenshene pele ga nako ya go amogela dikatso tsa diphenshene.
5. Ditlhaelo tsa ditšhelete tsa ditekanyetsokabo tsa puso, di tla fokotswa le sekoloto sa puso se tla tsepamiswa ka diporosente di le 75.3 tsa GDP ya 2025/26.
6. Sebopego sa Kgolo ya Ikonomi se tla nna se tsepame mo dingwageng tse tharo tse di tlang. Ditsholofelo di tsenyeletsa kgaogo ya kabo ya motlase, kelotlase ya tlhatlogo ya dijo le didiriswa tsa badirisi le itharabologelo e e bonya ya go atolosa dikoloto.

**BONA TSE E E LA TELANG**



**Go iphitlhela ga Aforika Borwa e le mo seemong se se sa iketlang sa go padimolwa ke maemo a ditiragalo tsa matlhotlhapelo ka ntliha ya maemo a tsa loapi, jaaka ka leroborobo, merwalela le melelo ya tlhaga, e tlhotse gore matlhotlhapelo a a sešweng a bakwang ke tlhago, se re boneng go na le koketsego ya ditiragalo tsa mothale o le ditshenyegelo.**

Ditiragalo tsa matlhotlhapelo a a sešweng bakwang ke tlhago, jaaka melelo ya tlhago ya kwa Knysna, ditsuatsue tsa kwa Thekwini, leroborobo la kwa Motsekapa, le merwalela ya kwa KwaZulu-

Natala e amileng temo le boeti mo go maswe, se se tlišitseng ditlamorago tse di botlhokwa tsa tiriso ya ditšhelete le lotseno tsa puso. Go simolola ka 1980, bokana ka dibilione di le 22 tsa baagi ba amilwe ke se, mme se sa tlhola ditatlhegelo tsa dibilione di le R113. Ditiragalo tse, di tlhotse maemo a sa lekalekaneng a ikonomi, segolo jang go baagi ba ba dikobo dikhutshwane, ba ba tlhagelwang ke se bonolo, fa matlhotlhapelo le ditlamorago tsa ona di diragala, jaaka tlhatlhago ya tlhwatlhwa ya dijo le go senyegelwa ke dithoto.

Lefapha la tsa Matlotlo la Bosetšhaba le konosetsa togamaano ya thuso ka ditšhelete ya matlhotlhapelo a bakwang ke maemo a tsa

loapi a 2024, le lebeletse dithuso tsa ditšhelete le tshithomolelo ya dikgwetlho go kgona go fokotsa sentle maemo a sa jeseng di welang a tlholang ke maemo a loapi. Se, ke maikaelelo a a reretseng mo go lebiseng kwa ditheong tsa puso le go baagi ba ba dikojwana dikhutshwane, go ba kgontsha go nna le kgotlelelo ya ikonomi e namatsang le go kgona go itharabologelwa ga bona morago ga matlhotlhapelo a tlhago. Togamaano e, e ikaeletse go tiisa le go sireletsa maatla a puso a go tlamela ka dithuso tsa ditšhelete, a go kgontsha go itharabologelwa le go katolosa tsamaiso ya ishorenseng kगतलhanong le maemo a masisi a tsa ditšhelete mo tshireletsong ya matlhotlhapelo a tlhago.



## GO TLHOLA DITIRO

**Go itemogetso, kwelotlase ya botlhokatiro e e bokana ka diporosente di le 31.9 mo kwatireng ya boraro ya 2023.**



Matsapa a Moporesitente a go leka go tlhola ditiro, a solofetse go amogela dibilione di le R7.4 mo go 2024/25. Go ikamanya le matsapa a, Lefapha la Dikgwebo le Diintasitiri le Dikgaisano, e tlhaotse dibilione di le R1.1 e le sengwe se se botlhokwa, go kgona go tlamela Letlole la Botlholaditiro tsa Bodirelaloago. Go tlaletsa se, Lefapha la Temo, Diphetogo tsa Mafatshe le Tlhabololo ya Metseselegae, le reboletse dimilione di le R750 go tshegetsatshireletso ya dijo le manaane a botshelo jo bo edileng jwa balemi



# 1 METSWEDI YA LOTSENO LA PUSO LA 2023/24




# 2 DITUELOTSHENYEGELO TSA PUSO TSA 2023/24



# 3 DIKATSO TSA MPHIWAFELA

	2023/24	2024/25
MPHIWAFELA YA BOTSOFE YA PUSO	R2 085	R2 185
MPHIWAFELA YA BOTSOFE YA PUSO, GO BA DINGWAGENG TSE FETANG 75	R2 105	R2 205
MPHIWAFELA YA BATLHABANI BA NTWA YA TOKOLOGO	R2 105	R2 205
MPHIWAFELA YA DIKGWETLHO TSA MMELE	R2 085	R2 185
MPHIWAFELA YA DIKATSO TSA TLHOKOMELO YA TLAMELO	R1 125	R1 180
MPHIWAFELA YA GO IKANYA TLHOKOMELO	R2 085	R2 185
MPHIWAFELA YA DIKATSO TSHEGETSO YA PHEPO YA BANA	R505	R530



**19.7 Million**  
batho ba amogelang dikatso tsa mphiwafela ya ka Mopitlwe 2027

Tekanyetsokabo e tla oketswa ka boleng jo go ya go ile e le go ikamanya le seelo sa tthatlogo ya dijo le didiriswa tsa baagi.

# 4 TEKANYETSOKABO E TSHEGETSA KGOLO YA IKONOMI, TLHOLO YA DITIRO LE TLHABOLOLO YA TIRELOLOAGO



**1.3 per cent**  
Kgolo ya nnete ya GDP e solofetswe mo 2024, pele e tokafala go ya go 1.8 ya poresente ka 2026



**60.2 per cent**  
ya palogotlhe ya ditshenyegelo tsa ditueleo tsa puso e reboletswe go tshabololo ya baagi, manaane a tsholoditiro, pholo, thuto le tshireletso ya ditirelo tsa loago mo dingwageng tse tharo tse di latelang



**R827.3 billion**  
e reboletswe lefapha la ditirelo tsa motheo tsa baagi, tsa matlo, tsa dipalangwa tsa botlhe, le ditirelo tsa tshabololo ya metseteropo mo dingwageng tse tharo tse di latelang



**R818.7 billion**  
e reboletswe tshagetso ya lefapha la tlhagiso, dikgwebopatlana le manaane a tsholoditiro a puso


# 5 MATSAPA A TSEWANG KE MOPORESITENTE A GO TLHOLA DITIRO



**R7.4 billion**  
di reboletswe go dira matsapa a tsewang ke Moporesitente a go tlhola ditiro mo go 2024/25, go tshagetso matshelo, go etella diphetogo tsa kago, le go thusa mo go tsholeng ditiro.

# 6 DITUELO TSA PUSO TSE DI SENANG MOROKOTSO LE TSE DI NANG LE MOROKOTSO TSE E LENG KABO YA PALOGOTLHE YA DITSHENYEGELO

Ditshenyegelo tse di senang morokotso\* Ditshenyegelo tse di nang le morokotso



\* Ditshenyegelo tse di senang morokotso ke palogotlhe ya ditshenyegelo tsa puso go sa tshenyetswe morokotso o o duelelwang mo sekolong.

# DITSHISINYO TSA LEKGETHO LA 2024



## LEKGETHO LA LOTSENO LA MOAGI

### DIPHETOGO TSA LEKGETHO LA LOTSENO LA MOAGI LE GO AMA JANG?

Tekanyetsokabo ya 2024 ga e fetole kelo ya tuelelo ya lekgetho e e neng ya diragatswa mo ngwageng wa lekgetho wa 2023/24. Ka jalo, boleng ba tlhathlwa jo bo ka amogelwang e le mogolo pele ga go kopiwa go tuelelo ya lekgetho mo ngwageng wa lekgetho o simololang ka 1 Mopitlwe 2024 go fitlha ka Ferikgong 2025 o ntse jaana:

TŠHELETE YA LOTSENO E O SA E DUELELENG LEKGETHO	NGWAGA WA LEKGETHO: 2023/24	NGWAGA WA LEKGETHO: 2024/25
Ba ba ka fa tlase ga dingwaga 65	R95 750	R95 750
Ba dingwaga tse 65 go fitlha 74	R148 217	R148 217
Ba dingwaga tse 75 le go feta	R165 689	R165 689

Diphokoletso tsa tuelelo ya lekgetho tsa moduelalekgetho di ntse jaana:

DIPHOKOLETSO TSA TUELELO YA LEKGETHO	NGWAGA WA LEKGETHO: 2023/24	NGWAGA WA LEKGETHO: 2024/25
Tse dikgolo (ba botlhe)	R17 235	R17 235
Tse dikgolwane (ba dingwaga tse 65 le go feta)	R9 444	R9 444
Tse dikgolwane (ba dingwaga tse 75 le go feta)	R3 145	R3 145

## LEKGETHO LA BOLEOFI

### TLHATHLHOSO YA LEKGETHO LA NNOTAGI LE MOTSO

Lekgetho le le duelelwang mo nnotaging le tlhathloswa ka diporesente tse di magareng ga 6.7 le 7.2, go sente ka nosi, fa lekgetho le le duelelwang mo motsokong le tlhathloswa magareng ga diporesente di le 4.7 le 8.2 go sente ka nosi

	E TLHATHLHOSIWA KA:
Biri e nang le moroko	14c go 340ml khene
Beine e se nang tshwikiri	28c go botlolo ya 750ml
Beine e nang le tshwikiri	47c ya botlolo ya 750ml
Beine e nang le esiti	89c botlolo ya 750ml
Beine e dirilweng ka matute a bidisitsweng a apole	14c go 340ml khene
Nnotagi e nang le tshwikiri	R5.53 go botlolo ya 750ml
Disekarete	97c go pakete ya 20
Dithobane tsa ditswamotsokong tse di thuthafaditsweng	73c go pakete ya 20
Motsoko wa sekerete	R1.09 ka 50g
Motsoko wa peipe	57c go 25g
Disekara	R9.51 go 23g
Metswako ya nikothini le metswako e se nang nikothini	14c go ml

## DIKELO TSA TUELELO YA LEKGETHO

### LEKGETHO LA LOTSENO: BAAGI LE DITERASETE

Lekgetho le le duelelwang ke baagi le diterasete tse di kgethegileng go ngwaga wa tuelelo ya lekgetho o o khutlang magareng ga 1 Mopitlwe 2024 le 28 Ferikgong 2025

Lekgetho la lotseno(R)	Kelotuelelo ya lekgetho (R)
R0 go fitlha go R237 100	18% ya lekgetho le le duelelwang
R237 101 go fitlha go R370 500	R42 678 + 26% ya lekgetho le le duelelwang la lotseno go feta R237 100
R370 501 go fitlha go R512 800	R77 362 + 31% ya lekgetho le le duelelwang la lotseno go feta R370 500
R512 801 go fitlha go R673 000	R121 475 + 36% ya lekgetho le le duelelwang la lotseno go feta R512 800
R673 001 go fitlha go R857 900	R179 147 + 39% ya lekgetho le le duelelwang la lotseno go feta R673 000
R857 901 go fitlha go R1 817 000	R251 258 + 41% ya lekgetho le le duelelwang la lotseno go feta R857 900
R1 817 001 le go feta	R644 489 + 45% ya lekgetho le le duelelwang la lotseno go feta R1 817 000

Diterasete tse dingwe e seng tse di kgethegileng	45% ya kelo ya tuelelo ya lekgetho
--	------------------------------------

### LOTSENO LA LEKGETHO LA: DIKHAMPHANI

Dingwaga tsa tshekatsheko wa lekgetho tse di khutlang ka letlha le le mo magareng ga 1 Moranang 2024 le 31 Mopitlwe 2025

Mofuta	Kelo ya lekgetho (R)
Dikhamphani	27% ya lotseno le le duelelwang la lekgetho

### LEKGETHO LA LOTSENO: DIKGWEBOPOTLANA TSA DIKHOPORETHIFI

Tshekatsheko di khutlang mo letheng le le mo magareng ga 1 Moranang 2024 le 31 Mopitlwe 2025

Lekgetho la Lotseno (R)	Kelo ya Tuelelo ya Lekgetho(R)
R0 go fitlha go R95 750	0% ya lotseno le le duelelwang lekgetho
R95 751 go fitlha go R365 000	7% ya lotseno le le duelelwang lekgetho le le fa godimo ga R95 750
R365 001 go fitlha go R550 000	R18 848 + 21% ya lotseno le le duelelwang lekgetho le le fa godimo ga R365 000
R550 001 le go feta	R57 698 + 27% ya lotseno le le duelelwang lekgetho le le fa godimo ga R550 000

### DITŠHELETE E DIRWANG KE KGWEBOPOTLANA E DUELELWA LEKGETHO

Dingwaga tsa Ditšhelete tse di khutlang mo letheng le lengwe le lengwe magareng ga 1 Mopitlwe 2024 le 28 Ferikgong 2025

Tshelete e Kokoantsweng ke Kgwebo go e kgontsha go duela lekgetho (R)	Kelo ya Tuelelolekgetho (R)
R0 go fitlha go R335 000	0% ya tshelete ya kgwebo e duelelwang lekgetho
R335 001 go fitlha go R500 000	1% ya tshelete ya kgwebo ya tuelolekgetho e fa godimo R335 000
R500 001 go fitlha go R750 000	R1 650 + 2% ya tshelete ya kgwebo e e duelelwang lekgetho e fa godimo go R500 000
R750 001 le go feta	R6 650 + 3% ya tshelete ya kgwebo e e duelelwang lekgetho e fa godimo go R750 000

Source: National Treasury

Scan this QR code for the PDF version of this People's Guide to the Budget



**MAIKUTLO A GAGO A BOTLHOKWA**

### A KAEDI E YA TEKANYETSOKABO YA BATHO E GO TSWETSE MOSOLA?

Ka metlha re tswetse go batlana le mekgwa e mentšhwa ya go tokafatsa kaedi mme re ka rata go utlwa tshwaelo ya gago.

Re ka rata go amogela maikutlo le ditshwaelo tsa gago fa go [Media@treasury.gov.za](mailto:Media@treasury.gov.za)